

Illyrici Orientalis.

211

NESSYNA ciuitas, seu Nessus Ptolem. ibid. vulgò *Nissana*. *Dalmatius* huius Episcopus subscripsit Epistolæ Synodicæ Dardaniæ Prouinciæ ad Leonem Imp. qua legendū puto Nessynæ non Nentinæ ciuitatis, cum Nentinæ nullam scriptores antiqui mentionem faciant: Ego *Gaudentium* de Naïso à Dacia qui Concilio Sardicēsi subscripsit, eius Antistitē fuisse cōijcio.

PROVINCIA MOESIÆ INFERIORIS.

MARTIANOPOLIS Mysiæ inferioris vrbs Antonino in Itinerario, vulgò *Martiopoli*. *Pistus* Martianopolitanus Episcopus Concilio Nicæno subscripsit, & *Dorotheus* Conciliabulo Ephesino, in quo Metropolita dicitur.

ABRITVM, Abruto Iornandi lib. de rebus Gothicis, & Abricium Casiodoro in Chronico, qui urbem hanc in Thracia, cuius Mœsia inferior pars est, constituit. *Martianus* huius Episcopus subscripsit Epistolæ Synodicæ Mœsiæ inferioris ad Leonem Imperatorem.

NOVÆ Ptolem. lib. 3. cap. 10. vulgò *Novomont*, teste Lazio. *Petrus* eius sedis Episcopus subscripsit eidem Epistolæ Synodicæ.

DVROSTORVM Ptolem. ibidem, vulgò *Dora*, eodem Lazio teste. *Iacobus* Dorostori Episcopus subscripsit Concilio Ephesino, & *Monophylus* Chalcedonensi.

DIONYSIOPOLIS Ptol. ibid. vulgò, vt putant, *Varna*. *Chariton* huius ciuitatis Antistes subscripsit Concilio Chalcedonensi.

ODESSVS Ptolem. in Mœsia inferiori, Epistolæ tamen Synodicæ eiusdem Mœsiæ ad Leonem in Scythia: sed mendum videtur, cum huic ipsi Epistolæ *Dittas* Episcopus inter Mœsiæ secundæ Antistites subscribat. Quibusdam *Lemano* vulgò dicitur.

APIARIA Antonino. *Martialis* Apiaræ Episcopus subscripsit dictæ Epistolæ ad Leonem.

NICOPOLIS ad Danubium vrbs Episcopalis Mœsiæ inferioris in Epistola Synodica Concilij huiusce Prouinciæ ad Leonem Imperatorem, cui *Marcellus* Nicopolis Episcopus subscripsit.

COMÆA Historiæ Miscellæ Mœsiæ vrbs, cuius Episcopus *Marius* Concilio Nicæno subscripsit.

PROVINCIA SCYTHIÆ.

TOMI Antonino in Itiner. vulgò *Tomis* vr Metropolis Scythiæ Autocephala. *Theotimus* huius Episcopus scripsit Epistolam ad Leonem Imperatorem, quæ reperitur parte tertia actorum Concilij Chalcedonensis.

PROVINCIA GOTHIÆ, SEV DACIÆ ANTIQVÆ.

ZARMIZEGETVSA Ptolem. lib. 3. cap. 8. Gothorum Metropolis, vt ar-

Dd